


# ZNACI ZA Uzbunjivanje



# POSTUPCI GRAĐANA

## »OPĆA OPASNOST«



Emitira se zavijajućim tonom u trajanju od 100 sekundi, s tim da se u toku prva četiri sata, znak opće opasnosti ponavlja više puta.

Signal »opća opasnost« emituje se u trenutku kada građanima i materijalnim dobrima prijete opasnosti od:

- 1) Pojave plavnog vala koji nastaje od rušenja ili prelijevanja brana na hidroakumulacijama
- 2) Velikog požara
- 3) Kretanja radioaktivnog oblaka ili pojave većih količina otrovnih materija u vidu oblaka iz hemijskih postrojenja
- 4) U ratu kada prijete opasnosti od artiljerijskih ili drugih dejstava ili napada iz vazduha na određenom području
- 5) Druge vrste opasnosti, koje mogu ugroziti živote i zdravlje većeg broja ljudi na određenom području.

Uključite radio ili tv prijemnik.

Poslušajte saopštenje o vrsti nadolazeće opasnosti i mjerama koje je neophodno poduzeti.

**1) AKO SE RADI O POJAVI PLAVNOG VALA**, građani su dužni, ako imaju vremena, preduzeti sljedeće postupke:

- a) u stanu ili kući isključiti električne i druge instalacije i zatvoriti vodu;
- b) namještaj, pitku vodu i životne namirnice skloniti na više dijelove kuće ili stana;
- c) uzeti neophodne lične stvari (lične dokumente, novac, tranzistor, čebe i dr.) i skloniti se na sigurno mjesto, odnosno mjesto koje ne može biti ugroženo plavnim valom i na tom mjestu sačekati emitovanje signala za »prestanak opasnosti«, a nakon tog signala postupiti po naređenjima i uputstvima općinskog štaba civilne zaštite ili povjerenika civilne zaštite.

**2) AKO SE RADI O POJAVI VELIKOG POŽARA**, građani trebaju, ako imaju vremena, poduzeti sljedeće postupke:

- a) u stanu ili kući isključiti sve električne aparate i zatvoriti dovod gasa;
- b) zatvoriti vrata i prozore da bi se spriječilo strujanje vazduha i razbuktavanje požara;
- c) uzeti neophodne stvari (odjeću, obuću, hranu, lične dokumente, novac i druge vrijednosti), a zatim napustiti zgradu i skloniti se na sigurno mjesto;
- d) uključiti se u akciju lokalizovanja i gašenja požara, prema naredbama općinskog štaba civilne zaštite ili povjerenika civilne zaštite.

**3) AKO SE RADI O POJAVI RADIOAKTIVNOG OBLAKA ILI POJAVI VEĆIH KOLIČINA OTROVNIH MATERIJAMA U VIDU OBLAKA IZ HEMIJSKIH POSTROJENJA ILI SKLADIŠTA**, građani trebaju poduzeti sljedeće postupke:

- a) ukoliko se nađu na ulici, na radnom mjestu, u stanu ili drugim mjestima smireno i bez panike otići u najbliže sklonište ili drugo mjesto pogodno za sklanjanje, ako takva mjesta postoje;
- b) ukoliko su u mogućnosti, trebaju ponijeti sredstva za ličnu RHB zaštitu ili priručna sredstva od kojih se mogu napraviti određena zaštitna sredstva i ta sredstva koristiti dok postoji opasnost od radioaktivnog oblaka, odnosno otrovnih materija;
- c) ponijeti sredstva za pružanje prve medicinske pomoći, dezinfekciona sredstva i priručna sredstva za dekontaminaciju, ako takvim sredstvima raspolažu;
- d) nakon izvršenog sklanjanja dalje treba postupiti prema uputstvima povjerenika civilne zaštite ili općinskog štaba civilne zaštite.

## »PRESTANAK OPASNOSTI«



Emitira se jednoličnim tonom u trajanju od 60 sekundi.

Možete prestati provoditi mjere zaštite iz saopštenja. U slučaju potrebe pomozite u akcijama zaštite i spašavanja koje provode jedinice i službe civilne zaštite i druge snage zaštite i spašavanja.

Kada se emituje signal za **PRESTANAK OPASNOSTI**, građani su dužni da se uključe u akciju zaštite i spašavanja koju provode jedinice i povjerenici civilne zaštite i službe zaštite i spašavanja, kao što je učešće na pružanju prve pomoći, raščišćavanju terena, dekontaminaciji i ostalim zadacima koje građani mogu da vrše, odnosno treba da napuste sklonište i druge zaštitne objekte u kojima su se nalazili i vratiti se u svoje kuće ili stanove ili na svoja radna mjesta.

SVE POJAVE I OPASNOSTI KOJE MOGU UGROZITI LJUDE I MATERIJALNA DOBRA, GRAĐANI MOGU PRIJAVITI NA SLJEDEĆE BROJEVE:



**OPERATIVNI CENTAR CIVILNE ZAŠTITE KANTONA SARAJEVO**

**121**

**POLICIJA**

**122**

**VATROGASCI**

**123**

**HITNA POMOĆ**

**124**

**OPERATIVNI CENTAR SLUŽBE CIVILNE ZAŠTITE OPĆINE VOGOŠĆA**

**033 / 586-417**

Izvod iz Pravilnika o organiziranju i funkcioniranju operativnih centara civilne zaštite ("Službene novine Federacije BiH", broj 8/07)